

方
脉
舉
要
二



图书在版编目 (CIP) 数据

方脉举要/ (宋) 刘开撰; 薛清录整理. - 北京: 中医古籍出版社, 2005.10

(中医古籍孤本大全)

ISBN 7-80174-396-2

I. 方... II. ①刘...②薛... III. 脉学 IV. R241.1

中国版本图书馆 CIP 数据核字 (2005) 第 098576 号

ISBN 7-80174-396-2



9 787801 743961 >

中醫古籍孤本大全

方脉舉要

原著 宋·劉開

選編 薛清錄 劉國正

出版發行 中醫古籍出版社

北京市東直門內南小街十六號 郵編 100070

杭州蕭山古籍印務有限公司

二〇〇五年十月第一版第一次印刷

二百五十套

ISBN 7-80174-396-2/R · 395

定價 二〇〇圓



方脉舉要目錄

卷上

辯色

議脉

五臟六腑本形脉

七表脉

八裏脉

九道脉

定孕脉

卷中

中風

脚氣



吐瀉

痢疾

喘急

吐血

腫疾

瘡疾

氣疾

頭疼

欬嗽

自汗

黃疸

白濁

翻胃

喉痺

泄病

小便



大便

腰疼

卷下

傷寒溫疫表證

傷寒裏證

婦人

產前

產後

血崩

小兒

急慢驚風

痘疹



傷寒

吐瀉

痢疾

瘧疾

癰疽疔瘡

腫疾

欬嗽

自汗

疔疾

胎驚

胎寒

胎熱

腹痛

鼻衄

口瘡

小便白濁

小便出血

瀉血

痢疾

脫肛

夜啼

雜證

方脉舉要目錄終



方脉舉要卷下

傷寒溫疫表證

廬山劉開立之誤

傷寒溫疫之病證候極多治法無出仲景
書不可以私方私藥爲說古人云治傷寒
有法療雜病有方然仲景方論深賾玄遠
初學淺識一時難辨對證檢方按方用藥
設有差誤禍不旋踵今以大畧言之開闢



初見凡治此病先要辨證是在表是在裏
是陰證是陽證若審得端的一藥可安儻
識不真以表作裏以裏作表以陰作陽以
陽作陰誤藥必死其或疑似之間不若姑
以兩可之藥探訪雖未即好亦不誤人學
者當觀所謂浮沉遲數脉表裏虛實證關
前爲陽關後爲陰此數語極爲切當何則
浮爲在表沉爲在裏遲爲虛寒數爲實熱

陽主六腑陰主五臟在表汗之在裏下之
虛則補之溫之實則瀉之涼之然陽脉實
大或遲沉滑數者方可下陰脉盛大或遲
實則可下仍要參之以證方可四肢疼痛
頭目昏重發熱惡寒或往來寒熱或增寒
發熱或嘔吐頭暈脉洪大浮盛或數或急
煩渴引飲十指溫掌心熱便作陽證在表
治之先投人參不二散十神湯五苓散加

麻黃杏仁甘草被覆汗出可愈熱未退參
蘇飲加黃芩壯實小柴胡湯身熱不渴
小柴胡湯加桂枝渴甚加栝蒌表病輕者
香葛湯頭痛甚者神木散得汗而熱不
退者參蘇飲脉浮弱而無力雖掌心十
指溫熱然十指甲青黑陽脉細弱或身體
振慄者皆裏寒也當用真武湯以助其裏
又有身體頭目盡痛發熱嘔吐雖春夏

之間亦多夜感寒冷之氣日受暑熱之毒
或當風取涼證俱似傷寒者不可便投涼
劑先用五苓散香薷散加甘草薑棗葱豉
煎服或用神朮散打和煎服蓋覆出汗
若先自汗出再汗無妨此藥夏秋交界盡
可服之頭疼未止太陽丹有吐瀉潮熱只
與五苓散加肉苳蔻服又有春夏之交
積陰之氣著人多冒濕候因暑熱之氣激

胃而發爲寒熱者五苓散加生附子白朮
甘草發表利小便仲景云治濕不利小便
非其治也 又有年高虛弱人頭疼身痛
增寒壯熱或惡寒發熱不甚十分頭疼身
痛脛不强脉浮弱或滑數者此爲痰飲當
下氣豁痰爲先參蘇飲加木香養胃湯加
附子不問四時傷寒傷風皆可用之仍蓋
覆取汗若先自有汗但熱者不必蓋覆也

有心膈緊悶脇下鞭痛身微熱頭微疼
或增寒壯熱或嘔吐痰食者皆由外感風
寒內傷生冷痰食積聚膈上氣塞痰食相
薄發而爲病者左手三部或弦緊微弱右
手關上洪盛大數者皆積食所致感應圓
清茶吞下痰壅者二陳湯吞下此是尋常
病勢輕者可用 若的知是正傷寒病溫
疫傳染之證積食胃經發爲寒熱譫語妄

亂者不可用感應丸二陳湯之類仲景云
醫以丸藥下之非其治也當用黑神丸重
實有熱者承氣湯更宜審而用之若只在
上膈一二日痰涎壅滯又有瓜蒂散吐之
之法 又有感冒風濕四肢重著腰脚疼
痛身無大熱脉陽濡陰急或浮或洪者五
積散加牽牛五苓散加防己白朮生附子
攻其濕氣 又有感風脉遲浮身微熱頭

微疼脇下痛欬嗽痰涎或嘔吐痰食小青
龍湯五七服以發其表亦勢須得汗方效
又有一家三兩人病證相似傳染者輕
則先用芎芷香蘇散加升麻三五服未效
敗毒散加大黃如升麻之數治法亦與傷
寒大同小異 又有太陽受病潮熱不解
以至鼻衄煩躁者不可便止血任其自止
當用犀角地黃湯加茅花或根側柏黃芩

煎服更當助以牛膽丸清利心經之毒切
不可再汗汗之必死 又有婦人經血適
行偶感冒發熱血爲熱迫致斷月經謂之
熱入血室以致譫語妄言寒熱往來者亦
不可發汗但與小柴胡湯元自汗者亦不
可再汗兩脇築痛亦不可發汗當記沉微
氣弱汗爲難之句 又有傷風脉浮頭疼
壯熱醫者發汗過當遂成漏汗小便數少